

MAGNIFICIS, NOBILISSIMIS, AMPLISSI-
mis, Consultissimis & Prudentissimis

DNN. PRÆTORI, CONSV-
libus ac Senatoribus Inclytæ Imperialis
Reip. Francofurtanæ:

Dnn. ac Fautoribus meis honorandis, Salutem & Observ.

DEUS ELOHIM, *Viri Magnifici, Nobilissimi, Amplissimi, Consultissimi, Prudentissimi*, rei quidem nullius indiguit, quæ ad perfectionem suam facere quoquo modo posset: nihilominus pro liberrimo suo beneplacito sui existere voluit speculum visibile, quo invisibilis sua *θεότης & δύναμις*, id Rom. x. est, *Essentia ac potentia* visibiliter patefcerent hisque cognitus celebraretur, adeoque lætaretur. Speculum id *Natura* est, sive *Mundus universus*, & in hoc præcipuè *Homo*, velut universitatis complementum. Nimirum hoc speculum *DEI* eminentissimum, peculiariterque *Spiritu ELOHIM* inflatus est, electus sc. ante omnia in *Filio dilecto*, ut esset sanctus, perfectionisque capax supernaturalis. Quare ut *Triunus* est *Jehova*: ita *Naturam* & evidentissimè *humanam triumam* existere voluit: *Spiritum*, quem insitum vulgo vocant; *Corpus*, quod ejus subjectum; & *animam* quæ velut ignis utrumque illud actuat, animat vitalique flam-

EPISTOLA

ma perfundit. Idem IEHOVA, ut *potentius* instructus, imo ipsamet potentia est operosissima : ita etiam *Natura* maximeque *homini facultates* inditas voluit operosas, easque ad imaginem divinam tum *internas* tum *externas*. Prioribus res quæque se semet respicit, atque actutum ac esse res incipit, *Spiritus Anima* accensus *subjectum* sibi generat, & ordinat, (in *Natura* corpus vocatum :) Hinc procedunt subinde radii aliorum servitio destinati, fonsque potentiarum *externarum*. Posterioribus igitur his res quæque res extra se positas concernit, harum servitio prona, magis, minus, prout res cognatæ invicem, tum quoque prout rerum conditio cultusque exegerit. Idem IEHOVA ut *affectibus* affici dicitur, *voluptate* sc. vel *dolore* & *tristitia* : Ita pro re nata *Natura* & evidentissimè *homini affectus* indidit, quibus tum delectatus stimuletur, tum molestus deterreatur. Cæterum ut *bonus* IEHOVA in se est, imo ter optimus maximus, adeoque *Essentiam* optimam possidet, *potentiam* optime administrat, & hinc *affectu* optimo fruitur, id est, *Voluptate* ineffabili : Simili modo *Naturam* & pro re nata *humanam* optimam voluit, optimam sc. dispositionem *principiorum Essentialium*, optimam *facultatum* inditarum administrationem, & hinc *affectum* optimum, videlicet *ידון* seu *voluptatem*. En finis Naturæ propositus *felicitas* scil. si-
ve *summum* illud *Bonum* mundanum, *Cœlestis* illius summi *Boni* antitypus & speculum. Hujus ergo ut gradus certi
sunt:

DEDICATORIA.

sunt: ita & illius, atque idcirco *Naturam* & præ aliis *humana* *Jehova* existere voluit perfectam quidem, verum in gradu non statim ab origine supremo, sed initiali, è quo subinde cultura accedente ad *imperf.* ascenderet, perinde sc. uti & ipsemet *Jehova* licet in se omnino immutabilis; attamen ex Natura creata, hujusque conformitate ac obedientia voluptatem capessere constituit. Voluit autem *Jehova* omnia hæc prout ipsemet liberrimus existit, cum libera hominis voluntate & arbitrio, ad bonum tamen inclinante. Quare ut propositum hoc *Dei* consisteret, oportuit Mundum, cum non esset produci, cum esset conservari, cum depravatus redintegrari. Hinc *Creatio*, eaque q. continuata *Generatio*: hinc & *Conservatio* seu *Generatio*: hinc demum corruptionis *restauratio*; ceu media ad felicitatem dictam collimantia. Et hæc omnia eò avidius *Deus* expetit, quo cunctorum administrationem legitimam non solum lege innata scriptaque cavet, sed & ministris visibilibus coercet & gubernat. Ministri hi præcipuè sunt *Magistratus Dij* propterea dictus, & hinc vel solo hoc nomine arcte obligatus voluntati divinæ studere, felicitatemque *Deo* propositam masculè promovere. Quare cum *Sanitas* non minima Felicitatis dictæ portio sit; nec postrema *Magistratus* functio erit, de illa ipsa esse sollicitum & idcirco de *Medicina* rite adhibenda. Nimirum *Medicina* administrata legitimè sanitatis tutela; perverse, ejusdem ruina. Hinc digna olim reputata *Medicina*, quæ à Regibus ipsis, aliisque Magistrati-

EPISTOLA

bus, virisque celeberrimis addisceretur, excoleretur, propagaretur; digna quæ honoribus, privilegiis & immunitatibus donaretur, digna quæ non nisi testimonio publico dignis repertis committeretur exercenda. Duobus autem præcipuè exercitatio hæc nititur, directione sc. & elaboratione. Directionem dico, qua media sanitatis præscribuntur; Elaborationem, qua eadem elaborantur & administrantur. In utraque non possum non extollere, *Viri Magnifici, Nobilissimi, Amplissimi, nec non Consultissimi*, pro videram vestram curam, quippe quæ ad prius non admittitis, nisi publico testimonio comprobatos; ad posterius, non nisi vestro examine exploratos, & utrosque non nisi stipulata manu Jureve Jurando vobis devinctos. Verum enim vero: ut hostis vitæ *Diabolus* haud quicquam intermittit, quod tum ad molestandum, tum ad abrumpendum fatum videtur: ita citra Providentiam vestram proh dolor! gliscant agit quorum inscitia ne dicam malitia vitæ civium non opinantium impune derogetur. Choræam in his ducunt *Judei*, utpote quibus *subjectum* ad id aptius invenire vix licuit. His enim regulis suis occultis permissum novit *Gogim* id est, *Christianos* impunè & citra homicidii notam adeoque citra conscientiam interimere. Hos notatos comperit ut nævo malitiæ, forma sc. deformi, (quæ nota malitiæ à Natura ipsa impressa:) ita quoque fronte impudica, garrula suada, mendacique lingua, mediis dicto scopo aptissimis, adeo quidem, ut

*Reckerm.
in Polit.*

DEDICATORIA.

ut quoque malitiæ, inscitæ, ruditatisque per examen convi-
cti & capropter per *Senatus consultum* Medicina abacti, nihi-
lominus callaent animos fascinare, leges eludere, libertatē-
que captare, de corio *Christianorum*, grandiloquis loquacu-
lis nimis credulorum, impunè ludendi. Miseret me, quo-
ties cernere datur, datur autem sæpissime, *Recepta*, quæ vo-
cant, inepta, heterogenea, ne dicam noxia, incautis præscri-
pta. Miseret, quoties audire contingit, contingit autem
& hoc frequenter, affectus sc. leves, præter rei veritatem
persuaderi periculosos, idque ut credulorum bursa emulge-
atur, medicaſterque audiat magnus. Miseret, quoties
causam morbi speciemque ridiculè audio enarratam. Sed
cur miseret? Mundus vult decipi; decipiatur. *Vestræ* inte-
rim uti curæ est, *Viri Prudentissimi*, *prudencia vestra incautis*
succurrere, stolidis consulere, inscius præesse, imprudentibus provide-
re: ita Medicorum vestrorum & hinc mei quoque officii de
abusu hoc Medicinæ vestram Prudentiam ad graviora retra-
ctam, submonere. Quod non minus expeto in bonam
partem suscipi, quam spero probatum vobis iri, si hoc ope-
ris, itidem ad legitimum Medicinæ exercitium collimantis,
ad imitationem *Pharmacopœiæ Augustanæ & Noriber-*
gensis nomine vestro divulgem. Continet nimirum celeberrima
quamplurima, à Medicis vestris, quos celebriores quo-
vis tempore aluisse studetis, profecta & idcirco vobis solis
meritò consecranda, Continent quamplurima quibus of-
fici-

EPISTOLA

ficinæ vestræ, quarum non minimam curam geritis, & hinc instructissimas possidetis, præ aliis cluent. His accedit vester in me favor, quo annis retro abhinc aliquot peregrinum civitate donastis, in Medicorum numerum adoptastis, privilegiis frui dedistis, aliaque favoris indicia in me cumulastis sufficientissimè. Eodem igitur favore fretus confido, hanc meam gratitudinis tesseram, æqua mente iri susceptum, qua ulteriori vestro favori me commendo, sanaque consilia Reipubl. ruinam arcentia temporibus hisce ruinam minitantibus cordetenus precor. Francofurti ad Moenum è Musæo ipsius Nundinis autumnalibus, Anno 1641.

Mag^{re}. Ampl^{is}. & Prud^{re}. V^o.

Observantissimu

Johannes Schröderus D.